

# U mo fior'd'alisu

Quellu tempu à curatti quant'ellu hè statu pocu  
E notte cù i ghjorni un'alata  
A prima zitellina si n'hè digià andata  
A teni un'antra manu per strada

A sera à l'attrachjata t'aspettu impaziente  
A sera trema sempre una mamma  
Ùn ti ne scurdà mai d'issa voce chì chjama  
Ancu s'è un'antra voce hè presente

**U mo fior'd'alisu**  
**U mo paradisu**  
**Di a machja folta**  
**U core sì tù**

**A mo sperenzona**  
**A parte più bona**  
**Di a mo canzona**  
**U cantu sì tù**

Avà chì sì ingrandatu hè ora di sapella  
Duve u fiume piglia surgente  
Duv'ellu passa ponti acqui dolce o dulente  
Hè ora di pruvatti à la ghjente

T'aghju amparatu un arte cerca à fanne bon'usu  
Ma s'è tù scegli un antru caminu  
Varghi cum'ella varghi ti seremu vicinu  
Quì l'usciu ùn ti serà mai chjosu

**U mo fior'd'alisu**  
**U mo paradisu**  
**Di a machja folta**  
**U core sì tù**

**A mo sperenzona**

**A parte più bona  
Di a mo canzona  
U cantu s'ì t'ù**

U tempu s'hà frustatu tante scale mutali  
U fiume corre sempre à u mare  
Duve l'amore hà fattu u so nidu ci pare  
Di sente avviuccià voce care

**U mo fior'd'alisu  
U mo paradisu  
Di a machja folta  
U core s'ì t'ù**

**A mo sperenzona  
A parte più bona  
Di a mo canzona  
U cantu s'ì t'ù**

*Felì*